

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U ZENICI  
Broj: 43 0 St 260247 25 St  
Zenica, 01.04.2026. godine

Općinski sud u Zenici, stečajna sutkinja Sanja Pavlić, odlučujući o prijedlogu za otvaranje stečajnog postupka nad stečajnim dužnikom Društvo sa ograničenom odgovornošću "ALEDINO" Zenica, Dr. Ćire Truhelke 9D, Zenica, donio je na ročištu 01.04.2026. godine sljedeće:

### R J E Š E N J E

Pozivaju se povjeritelji i zainteresirane osobe da u roku od 30 dana od dana objavljivanja poziva na oglasnoj tabli suda, web stranici suda-elektronskoj tabli suda i u Službenim novinama F BiH, predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 5.000,00 KM na depozitni račun suda, broj: 134-010-0000044837 otvoren kod ASA Banke d.d. Srajevo, Poslovnica Zenica.

Ako povjeritelji i zainteresirane osobe ne predujme iznos naveden u stavu jedan ovog rješenja u određenom roku u ovom rješenju, upozoravaju se da će stečajni sudac otvoriti stečajni postupak i odmah zaključiti postupak nad društvom

Ako zainteresirana osoba predloži otvaranje stečajnog postupka i uplati predujam u navedenom roku stečajni sudac će otvoriti stečajni postupak i voditi ga u skladu sa odredbama Zakona o stečaju.

### O b r a z l o ž e n j e

Predlagatelj Društvo sa ograničenom odgovornošću "ALEDINO" Zenica, Dr. Ćire Truhelke 9D, Zenica, podnio je prijedlog za otvaranje stečajnog postupka nad društvom Društvo sa ograničenom odgovornošću "ALEDINO" Zenica, Dr. Ćire Truhelke 9D, Zenica, 07.05.2025. godine.

Zakonski zastupnik predlagatelja je na ročištu izjavio da u cijelosti ostaje kod prijedloga za otvaranje stečajnog postupka.

Privremeni stečajni upravitelj je na ročištu za ispitivanje uvjeta za otvaranje stečajnog postupka održanom 01.04.2026. godine, izjavio da u potpunosti ostaje pri navodima i činjenicama iznesenim u Izvještaju od 02.10.2025. godine, da je stečajni dužnik posljednji put izradio financijski izvještaj za 2010. godinu te se podaci iz predmetnog izvještaja nisu mogli uzeti kao relevantni, s tim u vezi uvidom u faktičko stanje utvrđeno je da firma ne posluje od 2011. godine od kada nije ostvarila bilo kakav promet te od kada faktički nije vođena bilo kakva knjigovodstvena evidencija, da sjedište firme na kojem je ista poslovala ne postoji, obzirom da je stečajni dužnik koristio poslovni prostor u zakupu, te isti više nije u posjedu stečajnog dužnika. Izjavio je da uvidom u dokumentaciju pribavljenu u toku postupka izvršen je uvid u listu blokiranih računa stečajnog dužnika te je utvrđeno da isti ima obaveze u ukupnom iznosu od 70.295,14 KM, a u odnosu na imovinu u toku prethodnog postupka izvršena je provjera kod nadležnih organa pa tako uvidom u Dopis ZK ureda Općinskog suda u Zenici, te dopis Grada Zenice utvrđeno je da isti ne posjeduje bilo kakvu nepokretnu imovinu. Što se tiče obavještenja MUP-a ZDK od 30.09.2025. godine dostavljen je podatak da se kao vlasnik neregistriranog vozila pmv. „WV 251“ vodi pravno lice Aledino d.o.o., ali da uvidom na licu mjesta sjedišta dužnika kao i izjavi direktora i vlasnika stečajnog dužnika Heldov Vahida utvrđeno je da isto vozilo nije u posjedu stečajnog dužnika, te da je isto prodato 2011. godine i to u izvršnom postupku koji je vođen pred Općinskim sudom u Zenici, a po potraživanju Mikrokreditne organizacije. Također je izjavio da uvidom u transakcijske račune te Izvještaj o računima poslovnog subjekta Centralne Banke od 19.09.2025. godine, utvrđeno je da dužnik ima otvorena dva računa te da su oba blokirana, kao i da u skladu sa gore navedenim je utvrđeno da stečajni dužnik nema nikakve imovine te da isto ne posluje preko 15 godina od kada su mu i blokirani transakcijski računi. Istakao je da je prijedlog za pokretanje stečajnog postupka od 07.05.2025. godine, a uzimajući u obzir utvrđeno u toku postupka, nije podnesen u zakonskom roku u skladu sa članom 63 Zakona o stečaju F BiH. S obzirom na prednje navedeno te dostavljeni izvještaj izjavio je da ne postoji imovina u bilo kojem obliku da se pokriju troškovi otvaranja i vođenja stečajnog postupka, a koji bi po procjeni iznosili 5.000,00 KM, te je predložio sudu da postupi u skladu sa odredbom člana 102. stav 7 Zakona o stečaju F BiH, te pozove povjeritelje i zainteresirane osobe da u

roku od 30 dana predlože otvaranje stečajnog postupka te uplate predujam za obezbjeđenje troškova stečajnog postupka.

Kako stečajni dužnik ima obveze, a nema imovine, pa ni za troškove stečajnog postupka, to je sud primjenom odredbe čl. 102. stav 7.8. i 9. Zakona o stečaju („Sl. Novine F BiH“ broj: 53/2021), pozvao povjeritelje i zainteresirane osobe da predujme dovoljan novčani iznos za pokrivanje troškova stečajnog postupka (otvaranje i provodjenje stečajnog postupka), ako su zainteresirani za vodjenje stečajnog postupka, kod situacije kada nema imovine stečajnog dužnika iz koje bi se mogle namiriti obveze, pa ni sami troškovi otvaranja i vodjenja stečajnog postupka. Visina troškova srazmjerno je određena visini troškova koji se očekuju, a koji su neophodno potrebni za otvaranje i vodjenje stečajnog postupka.

S obzirom na izloženo odlučeno je kao u izreci ovog rješenja primjenom odredbe čl. 102. stav 7.8. i 9. Zakona o stečaju. Ovim rješenjem povjeritelji i zainteresirane osobe su upozoreni na posljedice propuštanja postupanja po pozivu ovog suda.

PRAVNA POUKA:  
Protiv ovog rješenja nije  
dozvoljena žalba.

Stečajna sutkinja  
Sanja Pavlić